

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**ДОМ НАРОДА
ПРЕДСТАВНИЧКИ ДОМ**

Комисија за избор и праћење рада
Агенције за превенцију корупције и
координацију борбе против корупције

**DOM NARODA
PREDSTAVNIČKI DOM/ZASTUPNIČKI DOM**

Komisija za izbor i praćenje rada
Agencije za prevenciju korupcije i
koordinaciju borbe protiv korupcije

Povjerenstvo za izbor i praćenje rada
Agencije za prevenciju korupcije i
koordinaciju borbe protiv korupcije

IZVJEŠTAJ O RADU

KOMISIJE ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE PARLAMENTARNE SKUPŠTINE BiH

ZA 2016. GODINU

SADRŽAJ

POGLAVLJE I. - UVOD	3
POGLAVLJE II. - IZVJEŠTAJ O AKTIVNOSTIMA KOMISIJE	4
Odjeljak A. - Sjednice Komisije	4
Odjeljak B. - Provođenje procedure izbora rukovodstva Agencije za prevenciju korupcije i koordinaciju borbe protiv korupcije	6
Odjeljak C. - Razmatranje izvještaja o radu Agencije za prevenciju korupcije i koordinaciju borbe protiv korupcije	8
Odjeljak D. - Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015. godinu	10
Odjeljak E. - Ostale aktivnosti koje proizlaze iz odredbi Zakona o Agenciji za prevenciju korupcije i koordinaciju borbe protiv korupcije	10
Odjeljak F. - Druge aktivnosti Komisije	11
POGLAVLJE III. - REZIME	12
POGLAVLJE IV. - PRILOZI	13

U skladu s čl. 9. i 10. Uputstva o metodologiji izrade izvještaja o radu komisija Parlamentarne skupštine Bosne i Hercegovine, Komisija za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH na 13. sjednici, održanoj 6. 3. 2017. godine, usvojila je

IZVJEŠTAJ O RADU KOMISIJE ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE PARLAMENTARNE SKUPŠTINE BiH ZA 2016. GODINU

POGLAVLJE I. - UVOD

Komisija za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) je nezavisno tijelo Parlamentarne skupštine Bosne i Hercegovine s nadležnostima utvrđenim Zakonom o Agenciji za prevenciju korupcije i koordinaciju borbe protiv korupcije (u daljnjem tekstu: Zakon) i Poslovníkom Komisije.

Komisija broji devet članova, od kojih su tri predstavnika iz Predstavničkog doma Parlamentarne skupštine BiH, tri predstavnika iz Doma naroda Parlamentarne skupštine BiH, dva predstavnika akademske zajednice i jedan predstavnik nevladinog sektora.

U mandatnom periodu 2014. - 2018. Komisiju čine:

1. Aleksandra Pandurević, predsjedavajuća,
2. Bariša Čolak, prvi zamjenik predsjedavajuće,
3. Anes Ličina, drugi zamjenik predsjedavajuće,
4. Darko Babalj, član,
5. Borjana Krišto, članica,
6. Halid Genjac, član,
7. Mirsad Isaković¹, član,
8. prof. dr. Ivanka Marković, članica, i
9. prof. dr. Vojo Višekruna, član.

Komisiju imenuje i razrješava Parlamentarna skupština BiH.

Mandat tri predstavnika iz Predstavničkog doma i tri predstavnika iz Doma naroda Parlamentarne skupštine BiH imenovana u Komisiju traje koliko i mandat saziva Parlamentarne skupštine BiH.

¹ Na osnovu člana 17. st. (1) i (2) Zakona o Agenciji za prevenciju korupcije i koordinaciju borbe protiv korupcije, Predstavnički dom Parlamentarne skupštine BiH je na 30. sjednici, održanoj 24.5.2016., donio Odluku o izmjeni Odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, kojom je u Komisiju umjesto Hanke Vajzović imenovan Mirsad Isaković.

Mandat dva predstavnika akademske zajednice i jednog predstavnika nevladinog sektora traje četiri godine od dana imenovanja u Parlamentarnoj skupštini BiH.

Stručnu i administrativno-tehničku podršku Komisiji za izbor i praćenje rada Agencije za prevenciju korupcije i koordinaciju borbe protiv korupcije pruža Sekretarijat Parlamentarne skupštine BiH.

U skladu s članom 18. Zakona, Komisija ima sljedeće nadležnosti:

- a) prati rad Agencije;
- b) pokreće postupak imenovanja direktora i zamjenika direktora Agencije, u skladu sa Zakonom;
- c) pokreće postupak razrješenja direktora i zamjenika direktora Agencije, u skladu s članom 15. Zakona;
- d) razmatra izvještaje o radu Agencije najmanje dva puta godišnje ili po potrebi;
- e) razmatra izvještaje o reviziji finansijskog poslovanja Agencije.

POGLAVLJE II. - IZVJEŠTAJ O AKTIVNOSTIMA KOMISIJE

Odjeljak A. - Sjednice Komisije

U izvještajnom periodu održano je sedam sjednica Komisije, kako slijedi:

- 6. sjednica Komisije - održana 17.2.2016.,
- 7. sjednica Komisije - održana 2.3.2016.,
- 8. sjednica Komisije - održana 6.4.2016.,
- 9. sjednica Komisije - održana 10.5.2016.,
- 10. sjednica Komisije - održana 23.6.2016.,
- 11. sjednica Komisije - održana 13.7.2016. i
- 12. sjednica Komisije - održana 10.11.2016.

Na navedenim sjednicama razmatrano je ukupno 37 tačaka dnevnog reda ili prosječno nešto više od pet tačaka po sjednici.

Osim verifikacije zapisnika 5., 6., 7., 8., 9., 10. i 11. sjednice Komisije, u okviru dnevnih redova sjednica Komisije razmatrani su i:

- Izvještaj o radu Agencije za prevenciju korupcije i koordinaciju borbe protiv korupcije za 2015. godinu (sačinilac: Agencija za prevenciju korupcije i koordinaciju borbe protiv korupcije),

- Izvještaj o radu Agencije za prevenciju korupcije i koordinaciju borbe protiv korupcije za period 1.1. - 30.6.2016. (sačinilac: Agencija za prevenciju korupcije i koordinaciju borbe protiv korupcije),
- Izvještaj o finansijskoj reviziji Agencije za prevenciju korupcije i koordinaciju borbe protiv korupcije za 2015. godinu (sačinilac: Ured za reviziju institucija BiH),
- Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015. godinu (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
- Prijedlog poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
- Izbor drugog zamjenika predsjedavajuće Komisije za izbor i praćenje rada Agencije za prevenciju korupcije i koordinaciju borbe protiv korupcije,
- Prijedlog odluke o raspisivanju javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
- Prijedlog teksta Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
- Prijedloga obavještenja o Javnom konkursu za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije (sačinilac: Komisija za izbor i praćenje rada Agencije za prevenciju korupcije i koordinaciju borbe protiv korupcije),
- Prijave prispjelih na Javni konkurs za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije,
- Otvaranje zaprimljenih koverti dostavljenih od kandidata za direktora i zamjenike direktora Agencije za prevenciju korupcije i koordinaciju borbe protiv korupcije, po zahtjevu Komisije za izbor i praćenje rada Agencije za prevenciju korupcije i koordinaciju borbe protiv korupcije;
- Intervju s kandidatima za direktora i dva zamjenika direktora Agencije za prevenciju korupcije i koordinaciju borbe protiv korupcije,
- Prijedlog izvještaja o utvrđivanju rang-liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije,
- Informacija u vezi s aktivnostima u pogledu uspostavljanja Globalne organizacije parlamentaraca za borbu protiv korupcije (GOPAC) u Parlamentarnoj skupštini BiH (sačinilac: sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije),
- Prijedlog povelje Globalne organizacije parlamentaraca za borbu protiv korupcije (GOPAC) u Parlamentarnoj skupštini BiH (sačinilac: sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije),

- Informacija o inicijativi za zaključivanje memoranduma o saradnji između Ureda za reviziju institucija BiH i Agencije za prevenciju korupcije i koordinaciju borbe protiv korupcije (sačinilac: Koordinacioni odbor vrhovnih institucija za reviziju),
- Informacija o dokumentu Koordinacija politika prevencije korupcije (sačinilac: Agencija za prevenciju korupcije i koordinaciju borbe protiv korupcije);
- Izvještaj o provođenju Zakona o zaštiti lica koja prijavljuju korupciju u institucijama BiH u 2015. godini (sačinilac: Agencija za prevenciju korupcije i koordinaciju borbe protiv korupcije);
- Zahtjev za ispunjavanje obaveza iz Strategije za borbu protiv korupcije 2015. - 2019. i Akcionog plana za provođenje Strategije za borbu protiv korupcije 2015. - 2019. (sačinilac: Agencija za prevenciju korupcije i koordinaciju borbe protiv korupcije);
- Zahtjev za davanje mišljenja u vezi s dostavljanjem izvještaja o radu Agencije za prevenciju korupcije i koordinaciju borbe protiv korupcije (podnosilac: Agencija za prevenciju korupcije i koordinaciju borbe protiv korupcije),
- Zahtjev direktora Agencije za prevenciju korupcije i koordinaciju borbe protiv korupcije za povrat konkursne dokumentacije (podnosilac: Agencija za prevenciju korupcije i koordinaciju borbe protiv korupcije) i
- Informacija o stupanju na snagu Pravilnika o načinu evidencije radnog vremena u Agenciji za prevenciju korupcije i koordinaciju borbe protiv korupcije (sačinilac: Agencija za prevenciju korupcije i koordinaciju borbe protiv korupcije).

Svaka sjednica Komisije je, u skladu s odredbama Poslovnika, imala neophodni kvorum za rad i odlučivanje, koji podrazumijeva prisustvo pet od devet njenih članova.

Predsjedavajuća Komisije Aleksandra Pandurević, te drugi zamjenik predsjedavajuće Anes Ličina i članica Komisije Ivanka Marković, prisustvovali su svim sjednicama Komisije održanim tokom izvještajnog perioda, dok su prvi zamjenik predsjedavajuće Bariša Čolak, kao i članovi Komisije Borjana Krišto, Halid Genjac i Darko Babalj pravdali svoje odsustvo s jedne ili više sjednica Komisije.

U skladu s Odlukom o izmjeni Odluke o imenovanju Komisije za izbor i praćenje rada Agencije za prevenciju korupcije i koordinaciju borbe protiv korupcije, usvojenom na 30. sjednici Predstavničkog doma PSBiH, održanoj 24.5.2016., umjesto Hanke Vajzović u Komisiju je imenovan Mirsad Isaković.

Detaljniji prikaz održanih sjednica i razmatranih tačaka dnevnog reda, kao i prisustva članova Komisije sjednicama dat je u tabelama 1. i 2. priloga ovog izvještaja.

Odjeljak B. - Provođenje procedure izbora rukovodstva Agencije za prevenciju korupcije i koordinaciju borbe protiv korupcije

Na osnovu člana 13. stav (5) Zakona i člana 18. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu:

Poslovnika), Komisija je na 6. sjednici, održanoj 17.2.2016., donijela Odluku o raspisivanju Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije. Komisija je tom prilikom donijela i zaključak da Javni konkurs iz Odluke bude objavljen u "Službenom glasniku BiH", "Službenom glasniku Brčko Distrikta BiH" i na internetskoj stranici Parlamentarne skupštine BiH, a obavještenje o Javnom konkursu u dnevnim listovima: "Večernji List", "Euro Blic" i "Oslobođenje".

Komisija je na 7. sjednici, održanoj 2.3.2016., usvojila tekst Javnog konkursa za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, a na istoj sjednici Komisija je usvojila i tekst obavještenja o Javnom konkursu. Tekst Javnog konkursa objavljen je u „Službenom glasniku BiH“, broj 16/16, od 8.3.2016., od kada je počeo teći i rok od 15 dana za dostavljanje potrebne dokumentacije kandidata za direktora i zamjenike direktora Agencije. Krajnji rok za podnošenje prijave na Javni konkurs bio je 24.3.2016.

Osim u „Službenom glasniku BiH“, tekst Javnog konkursa objavljen je i u „Službenom glasniku Brčko Distrikta“, broj 7/16, od 7. marta 2016., kao i na internetskoj stranici Parlamentarne skupštine BiH (www.parlament.ba/sekretarijat/oglas_i_konkursi). U skladu sa zaključkom sa 6. sjednice Komisije, obavještenje o Javnom konkursu objavljeno je u dnevnim listovima: "Večernji List", "Euro Blic" i "Oslobođenje" od 9.3.2016.

Na Javni konkurs pristigle su ukupno 24 prijave. Komisija je na 8. sjednici, održanoj 6.4.2016., konstatirala da su sve prijave koje su dostavljene na ovaj javni konkurs pristigle blagovremeno. Tom prilikom Komisija je konstatirala da se šest kandidata prijavilo za poziciju direktora Agencije, šest za poziciju zamjenika direktora, dok je 12 kandidata podnijelo prijavu na obje pozicije raspisane Javnim konkursom. Ostvarujući uvid u dostavljenu dokumentaciju, Komisija je konstatirala da su 23 kandidata, dostavljajući potpune i uredne prijave, ispunila uslove predviđene Javnim konkursom, dok jedna kandidatkinja nije dostavila urednu prijavu u skladu sa uslovima utvrđenim Javnim konkursom, s obzirom na to da uz prijavu kandidatkinje nije dostavljen dokaz o traženom radnom iskustvu na rukovodećim poslovima u trajanju od pet godina u odgovarajućoj oblasti.

U skladu s članom 23. Poslovnika, Komisija je 13.4.2016. svim kandidatima koji su ispunili opće i posebne uslove predviđene Javnim konkursom dostavila izjavu po članu 10d. stav (1) tačka a) Zakona o Vijeću ministara BiH i obrazac po članu 10d. stav (1) tačka b) Zakona o Vijeću ministara BiH, sa zahtjevom da uredno ispune, potpišu i u roku od sedam dana dostave Komisiji, kako bi ih ona u daljnjoj proceduri prosljedila Državnoj agenciji za istrage i zaštitu (u daljnjem tekstu: SIPA) i Centralnoj izbornoj komisiji BiH (u daljnjem tekstu: CIK). Tom prilikom Komisija je konstatirala da kandidati koji ne popune priloženu izjavu, odnosno obrazac ili ih pravovremeno ne dostave Komisiji, neće moći proći zakonom propisane provjere i smatrat će se da ne učestvuju u daljnjoj konkursnoj proceduri.

Na 9. sjednici, održanoj 10.5.2016., Komisija je konstatirala da su 22 kandidata za direktora i zamjenika direktora Agencije za prevenciju korupcije i koordinaciju borbe protiv korupcije, kojima su prethodno dostavljeni izjava i obrazac po članu 10d. stav (1) Zakona o Vijeću

ministara BiH, popunili i dostavili ove formulare u skladu sa Zakonom o Agenciji za prevenciju korupcije i koordinaciju borbe protiv korupcije i Poslovnikom Komisije, dok jedan kandidat Komisiji nije dostavio navedene formulare u skladu s njenim zahtjevom.

Dostavljene formulare Komisija je 13.5.2016. prosljedila SIPA-i i CIK-u, kako bi po njima uradili neophodne provjere predviđene članom 13. stav (1) Zakona i članom 10a. Zakona o Vijeću ministara BiH.

Komisija je zatim uputila pozive za intervju za 22 kandidata koji su prošli sve zakonom predviđene procedure za izbor direktora i dva zamjenika direktora Agencije. Na 10. sjednici, održanoj 23. juna 2016., Komisija je konstatala da se intervjuu odazvalo 18 kandidata za poziciju direktora i dva zamjenika direktora Agencije, dok se četiri kandidata nisu odazvala pozivu za intervju.

U skladu s članom 26. Poslovnika, Komisija je nakon obavljenog intervjua izvršila bodovanje kandidata za poziciju direktora i dva zamjenika direktora Agencije, u skladu s kriterijima utvrđenim Poslovnikom Komisije. Na 11. sjednici Komisije, održanoj 13.7.2016., utvrđena je rang-list kandidata za direktora Agencije za prevenciju korupcije i koordinaciju borbe protiv korupcije, kao i rang-lista kandidata za dva zamjenika direktora Agencije za prevenciju korupcije i koordinaciju borbe protiv korupcije.

Na osnovu čl. 13. i 16. Zakona o Agenciji za prevenciju korupcije i koordinaciju borbe protiv korupcije, Parlamentarna skupština BiH, na 34. sjednici Predstavničkog doma, održanoj 1.8.2016., i na 22. sjednici Doma naroda, održanoj 31.8.2016., na prijedlog Komisije za izbor i praćenje rada Agencije za prevenciju korupcije i koordinaciju borbe protiv korupcije, donijela je odluku o imenovanju direktora i dva zamjenika direktora Agencije za prevenciju korupcije i koordinaciju borbe protiv korupcije, kojom je za direktora Agencije imenovan Hasim Šabotić, a za zamjenike direktora Dragan Slipac i Dragan Andelić.

Odjeljak C. - Razmatranje izvještaja o radu Agencije za prevenciju korupcije i koordinaciju borbe protiv korupcije

U skladu s nadležnostima propisanim članom 18. stav 1. tačka d) Zakona, Komisija je tokom izvještajnog perioda na svojim sjednicama u dva navrata razmatrala izvještaje o radu Agencije za prevenciju korupcije i koordinaciju borbe protiv korupcije.

Izvještaj o radu Agencije za prevenciju korupcije i koordinaciju borbe protiv korupcije za 2015. godinu Komisija je razmatrala na 9. sjednici, održanoj 10.5.2016. Tokom rasprave ocijenjeno je da je Agencija dostavila vrlo temeljit izvještaj, koji na vrlo egzaktan način prikazuje agencijske podatke o prevenciji i borbi protiv korupcije u protekloj godini. Sugerirano je da budući izvještaji Agencije u sebi sadrže više podataka u vezi s pojedinačnim prijavama korupcije, grupirajući pri tome te analize na način da pokažu koji broj njih je procesuiran, okončan, odnosno sankcioniran.

Komisija je potom jednoglasno podržala Izvještaj o radu Agencije za prevenciju korupcije i koordinaciju borbe protiv korupcije za 2015. godinu, sa zaključcima sadržanim u njemu i prosljedila ga kolegijima oba doma Parlamentarne skupštine BiH u daljnju proceduru.

Predstavnički dom PSBiH usvojio je predmetni izvještaj o radu Agencije, sa zaključcima sadržanim u njemu, na 34. sjednici, održanoj 1.8.2016., a Dom naroda na 22. sjednici, održanoj 31.8.2016. Zajedno sa Izvještajem, domovi su usvojili i zaključak koji je predložila Zajednička komisija za evropske integracije PSBiH, a kojim se podržavaju aktivnosti Agencije prezentirane u njenom izvještaju o radu za 2015. godinu, te kojim se Agencija zadužuje da do kraja godine pripremi izvještaj o provođenju Strategije za borbu protiv korupcije 2015. – 2019., i isti dostavi PSBiH. Također, od Agencije se traži da u izvještaju o provođenju Strategije posebnu pažnju posveti sljedećim pitanjima:

- organiziranom i koordiniranom djelovanju svih institucija zakonodavne, izvršne i sudske vlasti na svim nivoima u BiH, kako bi se ostvario napredak u borbi protiv korupcije i organiziranog kriminala,
- ispunjavanju preuzetih obaveza iz GRECO-a, FATF-a, MONEYVAL-a i drugih inicijativa,
- kontinuiranom radu na unapređenju pravnog i strateškog okvira u sprečavanju i borbi protiv korupcije i organiziranog kriminala, te
- materijalnoj osnovi za rad policijskih službenika, sudija i tužilaca na nižim nivoima vlasti, te usklađivanju plaća i naknada.

Izvještaj o radu Agencije za prevenciju korupcije i koordinaciju borbe protiv korupcije za period 1.1. - 30.6.2016. Komisija je razmatrala na 12. sjednici, održanoj 10.11.2016. Nakon sveobuhvatne rasprave, Komisija je jednoglasno usvojila predloženi izvještaj.

S ciljem pružanja pomoći Agenciji za prevenciju korupcije i koordinaciju borbe protiv korupcije u rješavanju problema navedenih u predmetnom izvještaju, Komisija je jednoglasno usvojila i sljedeće zaključke:

1. Zaduguje se Vijeće ministara BiH da podrži svaku aktivnost Agencije za prevenciju korupcije i koordinaciju borbe protiv korupcije na provođenju Strategije za borbu protiv korupcije za period 2015.- 2019. godina i Akcionog plana za njeno provođenje.
2. Zaduguje se Vijeće ministara BiH da pruži svu neophodnu tehničku, organizacionu i finansijsku pomoć Agenciji za prevenciju korupcije i koordinaciju borbe protiv korupcije u rješavanju njenog materijalno-tehničkog opremanja i kadrovskog popunjavanja, s ciljem efikasnog rada ove agencije.

Odjeljak D. - Razmatranje Izvještaja o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015.

U skladu s članom 18. stav (3) Zakona, sačinjen je *Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015. godinu*, koji je Komisija razmatrala na 6. sjednici, održanoj 17.2.2016.

Predmetni izvještaj, koji je izrađen u skladu s Uputstvom o metodologiji izrade izvještaja o radu komisija PSBiH, nakon usvajanja na sjednici Komisije dostavljen je u daljnju proceduru domovima Parlamentarne skupštine BiH.

Predstavnički dom Parlamentarne skupštine BiH na 27. sjednici, održanoj 5.4.2016., usvojio je Izvještaj o radu Komisije za izbor i praćenje rada Agencije za prevenciju korupcije i koordinaciju borbe protiv korupcije za 2015. godinu, dok je Dom naroda Parlamentarne skupštine BiH podržao predmetni izvještaj na 18. sjednici, održanoj 27.4.2016.

Odjeljak E. - Ostale aktivnosti koje proizlaze iz odredbi Zakona o Agenciji za prevenciju korupcije i koordinaciju borbe protiv korupcije

Kako je članom 18. stav (1) tačka e) definirano da Komisija u okviru svojih nadležnosti razmatra i izvještaje o reviziji finansijskog poslovanja Agencije, na 12. sjednici, održanoj 10.11.2016., Komisija je usvojila Izvještaj o finansijskoj reviziji Agencije za prevenciju korupcije i koordinaciju borbe protiv korupcije za 2015. godinu, čiji je sačinilac Ured za reviziju institucija BiH.

U skladu s članom 17b. Zakona, tokom izvještajnog perioda imenovan je član Komisije iz akademske zajednice, čime je u konačnici upotpunjen njen sastav. Nakon procedure koju je provela Privremena zajednička komisija oba doma PSBiH za provođenje procedure imenovanja jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, Parlamentarna skupština BiH je na 34. sjednici Predstavničkog doma, održanoj 1.8.2016., i na 22. sjednici Doma naroda, održanoj 31.8.2016., donijela Odluku o imenovanju jednog predstavnika akademske zajednice u Komisiju. Navedenom odlukom kao predstavnik akademske zajednice u Komisiji imenovan je prof. dr. Vojo Višekruna.

Odjeljak F. - Druge aktivnosti

U skladu sa zaključkom usvojenim na konstituirajućoj sjednici, po okončanju procedure imenovanja jednog predstavnika akademske zajednice i jednog predstavnika nevladinog sektora u Komisiju za izbor i praćenje rada Agencije za prevenciju korupcije i koordinaciju borbe protiv korupcije, za drugog zamjenika predsjedavajuće Komisije izabran je predstavnik nevladinog sektora Anes Ličina.

Na početku izvještajnog perioda usvojen je i novi tekst Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije, koji je u potpunosti usaglašen s ranije usvojenim izmjenama i dopunama Zakona o Agenciji za prevenciju korupcije i koordinaciju borbe protiv korupcije. Osim navedenog, izmjenama Poslovnika preciziran je i član kojim je definiran proces provjera kroz koje prolaze kandidati za direktora i zamjenike direktora ove agencije.

Komisija za izbor i praćenje rada Agencije za prevenciju korupcije i koordinaciju borbe protiv korupcije tokom izvještajnog perioda usvojila je tekst Prijedloga povelje Globalne organizacije parlamentaraca za borbu protiv korupcije (GOPAC) u Parlamentarnoj skupštini BiH. Komisija je usvojeni Prijedlog povelje GOPAC-a dostavila svim klubovima poslanika i delegata u oba doma Parlamentarne skupštine BiH, te pozvala poslanike i delegate iz oba doma da aktivno učestvuju u radu budućeg ogranka GOPAC-a u Parlamentarnoj skupštini BiH. Ogranak GOPAC-a formiran je 9.12.2016., a poslanici i delegati iz oba doma koji su učestvovali u njegovom radu potpisali su Povelju koju je predložila Komisija za izbor i praćenje rada Agencije za prevenciju korupcije i koordinaciju borbe protiv korupcije.

Tokom izvještajnog perioda Komisija je imala stalnu saradnju s rukovodstvom Agencije za prevenciju korupcije i koordinaciju borbe protiv korupcije, čiji su predstavnici bili pozivani i redovno prisustvovali sjednicama Komisije kada su razmatrani materijali čiji je sačinilac Agencija.

Članovi Komisije su u izvještajnom periodu prisustvovali na nekoliko konferencija i radionica, čiji su organizatori bili predstavnici domaćih institucija, nevladinih organizacija iz BiH, kao i međunarodnih organizacija s programskim aktivnostima u BiH.

Jedna od njih bila je ***Konferencija „Sukob interesa - Izmjene zakonskog i institucionalnog okvira“***, koja je u organizaciji Transparency Internationala BiH održana 12.5.2016. u Sarajevu, a na kojoj su u ime Komisije za izbor i praćenje rada Agencije za prevenciju korupcije i koordinaciju borbe protiv korupcije prisustvovali članovi: Anes Ličina, Halid Genjac i Hanka Vajzović.

Na ***konferenciji pod nazivom: „Civilno društvo za odgovornu vlast“***, koja je u organizaciji Centra za istraživačko novinarstvo održana 28.6.2016. u Sarajevu, u ime Komisije prisustvovali su članovi Mirsad Isaković i Anes Ličina.

U radu *Obuke o zakonu o zaštiti tajnih podataka BiH*, koja je u organizaciji Ureda sekretara Zajedničke komisije za nadzor nad radom Obavještajno-sigurnosne agencije BiH održana 22.9.2016. u Sarajevu, u ime Komisije za izbor i praćenje rada Agencije za prevenciju korupcije i koordinaciju borbe protiv korupcije prisustvovali su članovi Komisije: Mirsad Isaković, Anes Ličina i Vojo Višekruna.

Konferenciji povodom Međunarodnog dana borbe protiv korupcije, koja je u organizaciji Transparency Internationala BiH održana 9.12.2016. u Sarajevu, u ime Komisije prisustvovali su članovi Mirsad Isaković i Anes Ličina.

POGLAVLJE III. - REZIME

Izvještajni period obilježilo je nekoliko bitnih stvari koje su u značajnoj mjeri obilježile rad Komisije u 2016. godini.

- U skladu s članom 18. stav (1), a u vezi s čl. 13. i 16. Zakona o Agenciji za prevenciju korupcije i koordinaciju borbe protiv korupcije, te u skladu s odredbama Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije, Komisija je u izvještajnom periodu pokrenula i u potpunosti provela konkursnu proceduru za imenovanje direktora i dva zamjenika direktora ove agencije. Na prijedlog ove komisije, domovi Parlamentarne skupštine BiH donijeli su Odluku o imenovanju Hasima Šabotića za direktora, te Dragana Slipca i Dragana Anđelića za zamjenike direktora Agencije za prevenciju korupcije i koordinaciju borbe protiv korupcije;
- Usvojen je novi poslovnik, koji je u potpunosti usaglašen s ranije usvojenim izmjenama i dopunama Zakona o Agenciji za prevenciju korupcije i koordinaciju borbe protiv korupcije i kojim je definiran proces provjera kroz koje prolaze kandidati za direktora i zamjenike direktora ove agencije;
- Nakon okončanja procedure predviđene članom 17b. Zakona, Komisija je upotpunila svoj sastav imenovanjem prof. dr. Voje Višekruna, kao predstavnika akademske zajednice;
- Sačinjen je i Prijedlog povelje o osnivanju Ogranaka GOPAC-a u PSBiH, čijim je potpisivanjem od strane sedam poslanika i delegata oba doma PSBiH i formalno osnovan ogranak ove organizacije u Parlamentarnoj skupštini BiH.

POGLAVLJE IV. - PRILOZI**Tabela 1.**

Broj i datum održavanja sjednice	Broj razmatranih tačaka dnevnoga reda	Prisustvo članova sjednicama Komisije
6. sjednica 17.2.2016.	11	6 članova
7. sjednica 2.3.2016.	4	7 članova
8. sjednica 6.4.2016.	4	8 članova
9. sjednica 10.5.2016.	5	8 članova
10. sjednica 23.6.2016.	3	8 članova
11. sjednica 13.7.2016.	3	7 članova
12. sjednica 10.11.2016.	7	7 članova

Tabela 2.

Ime i prezime člana Komisije	Broj i datum održavanja sjednice						
	6. sjednica	7. sjednica	8. sjednica	9. sjednica	10. sjednica	11. sjednica	12. sjednica
Aleksandra Pandurević	+	+	+	+	+	+	+
Bariša Čolak	+	- (op)	+	+	+	+	+
Anes Ličina	+	+	+	+	+	+	+
Borjana Krišto	+	+	+	+	+	- (op)	+
Halid Genjac	+	+	+	+	+	+	- (op)
Darko Babalj	- (op)	+	+	+	+	+	- (op)
Ivanka Marković	+	+	+	+	+	+	+
Hanka Vajzović	- (op)	+	+	+	/	/	/
Mirsad Isaković	/	/	/	/	+	+	+
Vojo Višekruna	/	/	/	/	/	/	+